



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKO VIJEĆE

**ODLUKA O IZMJENAMA I DOPUNAMA ODLUKE O
IZVRŠAVANJU BUDŽETA
OPĆINE CENTAR SARAJEVO ZA 2026. GODINU**

Sarajevo, juli/srpanj 2026. godine

Na osnovu člana 7. i 46. Zakona o budžetima u Federaciji Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25, 6/26), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06) i člana 10. i 68. Statuta Općine Centar Sarajevo – prečišćeni tekst ("Službene novine Kantona Sarajevo", broj 23/04), Općinsko vijeće Općine Centar Sarajevo je na 19.redovnoj sjednici održanoj dana 02.07.2026. godine donijelo

ODLUKU O IZMJENAMA I DOPUNAMA ODLUKE O IZVRŠAVANJU BUDŽETA OPĆINE CENTAR SARAJEVO ZA 2026. GODINU

Član 1.

U Odluci o izvršavanju Budžeta Općine Centar Sarajevo za 2026. godinu ("Službene novine Kantona Sarajevo", broj: 52/25), u članu 12. stav (3) dio teksta:
„pravilnikom koji reguliše isplatu nagrada za učenike i nastavnike osnovnih škola“
mijenja se i glasi: „pravilnikom koji reguliše isplatu nagrada za učenike, nastavnike i ekipe osnovnih škola“.

Član 2.

U članu 12, iza stava (11) dodaje se novi stav (12), koji glasi:
„Tekući transfer Ministarstvu za odgoj i obrazovanje Kantona Sarajevo, namijenjen za realizaciju programa škole plivanja, realizuje se u skladu sa zaključenim sporazumom. Isplata sredstava vrši se na osnovu zaključka Općinskog načelnika, donesenog na prijedlog nadležne službe, a uz prethodno dostavljen i prihvaćen izvještaj o realizaciji programa škole plivanja“.

Član 3.

U članu 13. stav (1) tačka I) mijenja se i glasi:
„Transfer za nagrade učenicima i nastavnicima osnovnih škola za postignute rezultate na takmičenjima koje organizuje Općina Centar Sarajevo samostalno ili u saradnji sa ustanovama čiji je osnivač, odnosno na takmičenjima koja se organizuju u skladu sa Kalendarom takmičenja ministarstva nadležnog za oblast obrazovanja, kao i nastavnicima i stručnim saradnicima osnovnih škola za poseban doprinos unapređenju nastavnog procesa, u skladu sa odredbama važećeg Pravilnika.“

Član 4.

U članu 14. stav (1) tačka d) mijenja se i glasi:
„Transfer organizacijama civilnog društva za projekte iz oblasti socijalne zaštite, rada sa djecom u alternativnoj brizi, detekcijom poremećaja u ranom rastu i razvoju, žrtvama porodičnog nasilja, pravima osoba sa intelektualnim teškoćama i djece sa malignim oboljenjima i karitativnim organizacijama raspoređuju se nakon okončanog postupka javnog poziva putem nadležne službe“.

Član 5.

U članu 14. iza stava (4) dodaje se novi stav (5) koji glasi:
„Tekući transferi neprofitnim organizacijama za sufinansiranje projekata OCD putem javnog poziva u skladu sa LOD metodologijom realizuju se na osnovu ugovora putem nadležne službe“.

Član 6.

U članu 14. iza stava (4) dodaje se novi stav (5) koji glasi:
„Kapitalni transfer JU Centar kulture i mladih realizuje se na osnovu potpisanog ugovora putem nadležne službe“.

Član 7.

U članu 23. u stavu (3) dodaje se nova rečenica: „Nabavka ruševnih stanova u postupcima otkupa s ciljem raspolaganja zemljištem realizuje se putem nadležne službe u skladu sa propisima koji regulišu predmetnu oblast“.

Član 8.

Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj:01-11-4181/26
Sarajevo, 02.07.2026.godine

Predsjedavajući Općinskog vijeća Centar
Sarajevo

Benjamin Isović

Ova Odluka objavljena je na oglasnoj ploči Općine Centar Sarajevo dana 06.07.2026. godine.